

Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije Bosne i Hercegovine“, broj: 12/03, 34/03 i 65/13) i člana 52. Zakona o visokom obrazovanju („Službene novine Zeničko-dobojskog kantona“, broj: 12/22), a u skladu sa Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16), ministrica Ministarstva za obrazovanje, nauku, kulturu i sport Zeničko-dobojskog kantona objavljuje

OGLAS
ZA IMENOVANJE NA UPRAŽNJENU POZICIJU ČLANA UPRAVNOG ODBORA
UNIVERZITETA U ZENICI IZ REDA OSNIVAČA

Oglašava se upražnjena pozicija u Upravnom odboru Univerziteta u Zenici:

- iz reda osnivača - jedan (1) član Upravnog odbora.

Opis upražnjene pozicije člana Upravnog odbora:

Učestvuje u obavljanju poslova iz djelokruga Upravnog odbora koji su mu Zakonom o visokom obrazovanju („Službene novine Zeničko-dobojskog kantona“, broj: 12/22) i Statutom Univerziteta u Zenici, utvrđeni kao nadležni poslovi, a naročito: na prijedlog senata daje prethodno mišljenje na Statut visokoškolske ustanove, donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Zeničko-dobojskog kantona, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove, donosi odluku o osnivanju drugih pravnih lica, u skladu sa zakonom i statutom visokoškolske ustanove, utvrđuje planove finansiranja i razvoja, uključujući i organizovanje novih organizacionih jedinica i studijskih programa, donosi godišnji program rada visokoškolske ustanove na prijedlog senata visokoškolske ustanove, donosi finansijski plan i usvaja godišnji obračun, usmjerava, kontrolira i ocjenjuje rad rektora, odnosno direktora u domenu finansijskog poslovanja, rješava pitanja odnosa sa osnivačem, odlučuje o korištenju sredstava za rad preko iznosa utvrđenog statutom visokoškolske ustanove, odlučuje o prigovoru zaposlenika na odluke organa visokoškolske ustanove koji su u prvom stepenu odlučivali o pravima, obavezama i odgovornostima zaposlenika iz radnog odnosa najmanje jedanput godišnje podnosi osnivaču izvještaj o poslovanju i rezultatima rada visokoškolske ustanove, donosi konačnu odluku o izboru i razrješenju direktora studentskog centra i obavlja i druge poslove u skladu sa zakonom, aktom o osnivanju i statutom.

Članovima Upravnog odbora Univerziteta u Zenici pripada naknada za rad u upravnom odboru u visini koju utvrdi Vlada Zeničko-dobojskog kantona.

Imenovanje na upražnjenu poziciju člana Upravnog odboru Univerziteta u Zenici iz reda osnivača vrši se do isteka mandata već imenovanih članova iz reda osnivača.

Opći uvjeti koje kandidat treba da ispunjava:

Opći uvjeti za imenovanja/nominiranja na upražnjenu poziciju u reguliranim tijelima Zeničko-dobojskog kantona su:

- a) da je državljanin Bosne i Hercegovine,

- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) da se na njih ne odnosi član IX.1. Ustava Bosne i Hercegovine,
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj 70/08),
- g) da nema privatni i/ili finansijski interes u instituciji u kojoj se kandiduje,
- h) da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri,

Posebni uvjeti koje kandidat treba da ispunjava:

Posebni uvjeti za imenovanje/nominiranje člana/predsjednika Upravnog odbora JU Univerzitet u Zenici iz reda osnivača su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja,
- b) najmanje 5 godina radnog iskustva nakon sticanja visoke stručne spreme,
- c) da nije član nadzornog ili upravnog odbora, odnosno odbora za reviziju u više od jednog privrednog društva ili institucije,
- d) komunikacijske i organizatorske sposobnosti,
- e) sposobnost tumačenja ekonomskih, tehnoloških i pravnih analiza i propisa,
- f) rezultati rada ostvareni tokom poslovne karijere.

Prilikom procjene posebnih uvjeta, kriteriji navedeni pod tačkama od d) do f) izrazit će se u bodovima od 1-5.

Uz prijavu na Oglas, koja treba sadržavati kraću biografiju, adresu i kontakt telefon, kandidati su dužni priložiti original dokumente ili ovjerene kopije dokumenata o ispunjavanju uvjeta Oglasa, i to:

- izvod iz matične knjige rođenih;
- uvjerenje o državljanstvu Bosne i Hercegovine, ne starije od šest (6) mjeseci;
- univerzitetsku diplomu;
- dokaz o radnom iskustvu nakon sticanja visoke stručne spreme, i to: uvjerenje poslodavca kod kojeg je kandidat radio ili trenutno radi ili uvjerenje o osiguranju nadležne porezne ispostave ovjereno pečatom i potpisom u kojem su tačno naznačeni periodi prijave i objave kandidata ili uvjerenje Zavoda za PIO/MIO sa potvrdom o pojašnjenju šifre zanimanja iz uvjerenja tako da se može utvrditi sa kojom stručnom spremom je kandidat radio. Ukoliko se kao dokaz o iskustvu dostavlja potvrda poslodavca, ista mora sadržavati

sljedeće podatke: naziv i sjedište poslodavca, broj, datum i mjesto izdavanja potvrde, podatke o nazivu radnog mjesta i poslove koje je obavljao, obavezno naznačenu školsku spremu sa kojom je obavljao poslove, period obavljanja poslova, potpis i pečat ovlaštenog lica.

- uvjerenje/potvrda da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri izdato od nadležnog općinskog suda, prema mjestu prebivališta, ne starije od šest (6) mjeseci;
- ovjerene izjave kandidata za zahtjeve iz alineje c), d), e), f) i g), općih uvjeta;
- ovjerenu izjavu kandidata za zahtjev iz alineje c), posebnih uvjeta.

NAPOMENA: *Dokaz da kandidat nije osuđivan za krivično djelo od nadležnog Ministarstva unutrašnjih poslova službeno će se tražiti za kandidate koji budu predloženi za konačna imenovanja.*

Kandidati mogu uz prijavu na Oglas dostaviti preporuku ranijeg neposrednog rukovodioca, ako preporuku imaju.

Svi kandidati koji budu stavljeni na listu užeg izbora bit će pozvani na intervju pred Komisijom za izbor na upražnjenu poziciju člana Upravnog odbora Univerziteta u Zenici iz reda osnivača. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Prilikom pozivanja kandidata na intervju, svaki kandidat je obavezan neposredno prije intervjua ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, broj: 49/06, 76/11 i 89/11).

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje. Prigovor se podnosi Vladi Zeničko-dobojskog kantona putem Ministarstva za obrazovanje, nauku, kulturu i sport, a kopija se dostavlja Uredu ombudsmena za ljudska prava Bosne i Hercegovine.

Oglas će biti objavljen u jednom od dnevnih listova, „Službenim novinama Federacije Bosne i Hercegovine“ i na web stranici Vlade Zeničko-dobojskog kantona: www.zdk.ba.

Oglas ostaje otvoren 15 dana od dana objavljivanja u „Službenim novinama Federacije Bosne i Hercegovine“.

Neblagovremene i nepotpune prijave neće se uzeti u razmatranje.

Prijave sa traženim dokumentima i sa naznakom na koju se poziciju kandidat prijavljuje dostavljaju se u zatvorenim kovertama, lično ili preporučeno poštom na adresu:

Zeničko-dobojski kanton
Ministarstvo za obrazovanje, nauku, kulturu i sport
Komisija za izbor na upražnjenu poziciju
člana Upravnog odbora Univerziteta u Zenici iz reda osnivača
Kučukovići broj 2
72 000 Zenica
uz naznaku:

„Prijava na Oglas za imenovanje na upražnjenu poziciju člana Upravnog odbora Univerziteta u Zenici iz reda osnivača-ne otvarati“